

Yungzsuij Minzcuz Fungcingz Youq Gvangjdungh Lenzgyangh Yienjok

Ndwen 12 ngoenz 7 daengz 9, youq gwnz ciet makdoengj ndaw nding caeuq gyahden bozlanjvei 2019 Gvangjdungh Lenzgyangh banh haenx, gyoengq canghheiq ndawbiengz, bouxguhong vwnzyi minzcuz daengj dai Gvangjsih Yungzsuij Myauzcuz Swciyen daeuj haenx ndaej cingj hwnj daiz yienjheiq, langhbaiej le Yungzsuij feihyiz vwnzva, vih ngoenzciet angqyangz gyalai loh gingjsaek minzcuz daegbied Mbanjmyauz ndeu, hix vih Lenzgyangh caeuq Yungzsuij banggunz doxgap gyalai cingzgeih.

Bi 2017, cien leix aenyienz diuz sienq yien, Gvangjsih Yungzsuij baengh bya caeuq Gvangjdungh Lenzgyangh youq henz haij haenx dai neix doxgap, yamq gvaq haujlai gyae, guhbaenz bouxdaih, ciengqgok hot go baihdong baihsae banggunz doxgap. Ciuq gij lohnaemj “Yungzsuij aeuyungh, Lenzgyangh guh ndaej”, doengzcaez guh ndei song mbouj you baujcam, canjnieb hwnghat, swnghdai lijyouz daengj hong, gyavaiq yamqdin vut gungz baenz miz.

(Veiz Ciginh Mungz Vazcingh/韦志军 蒙华清)

► Gyoengq canghheiq Yungzsuij cingq yienjheiq.



▲ Hagseng habciengq go gyaez guek.

Lozcwngz: Banh Geiqniemh “12·9” Yindung Gyaez Guek Ciengqgo Doxdax

Vih geiqniemh “12·9” yindung, fatyienz gij ceiqheiq senhle, swncienz caeuq fatyienz gij cingsaenz gyaez guek cujyi, gungganq hagseng gij cingz daudwz gauhsang, ndwen 12 ngoenz 9, Lozcwngz Mulaucuz Swciyen Daihngaih Gaugaep Cunghag banh geiqniemh “12·9” yindung gyaez guek ciengqgo doxdax.

Ngoenzhaenx, aen hagdangz neix cujciz 27 aen ban 3 aen nienzgaep guh aen doih habciengq, yungh sing go goksad yienjciengq 《Geiznding Mbinfe》《Vunz Cungguk》《Gou Caeuq Guekcoj Gou》《Henhoh Dahvangzhoz》《Mbouj Miz Gungcanjdangj Couh Mbouj Miz Cungguk Moq》daengj 27 diuz go gyaez guek gingdiemj vunz lai sug rox haenx. Daengx ciengz doxdax, aen doih habciengq gak ban cingsaenz gvaekgvaek, diuz dem diuz go gyaez guek danqhaenh dangj, danqhaenh guekcoj, hawj vunz gikdoengh dangqmaz, bouxyawj yienhciegz cungj dopfwngz haenh.

(Liu Gvanghfuz Liuz Veijcungh/廖光福 刘韦忠)

Mbanjdung Gaq Hwnj Aen Giuz Baenz Miz

Ndwen 12 ngoenz 12, aen vuzyinzgih ingj ndaej aen dungceh ndeu cingq hai youq gwnz aen giuz Dabsinz-gyangh Sanhyangh Dungcuz Swciyen Cwngzcunh Yangh Swlij Cunh Gvei Gvangj Gauhdez.

Geij bi neix daeuj, Sanhyangh Dungcuz Swciyen youq mwh guhhong vut gungz gungeng, yungh gajnde roen gyaudoeng dangguh aenbak cungbyoengq vut gungz, gaenxmaenx guh ndei gij gyaudoeng doxlien Gveicouh, Huznanz, Gvangjsih Gveilinz, Gvangjsih Liujcouh, guh doeng roen mbanj caeuq mbanj lajmbanj, daengx yienh gaenq guhbaenz singz mbanj gyaudoeng itdaevaj, seiq doeng bet dad, doengrat, hawj canjnieb hwnghat, cienjsen couhnieb daengj vut gungz baenz miz miz roendoeng.

(Vuz Lenyinh/吴练勋)



▲ Aen dungceh cingq hai gvaq gwnz giuz.

Yungzanh: Makgamgaet Sou Ndaej Lai Vunz Ndaem Mak Miz Souhaeuj



▲ Vunzlai senjleh mak gam.

makgamgaet, saedhengz “suen makgamgaet fanh moux bak aen mbanj” bang vut gungz, densangh gaicawx bang vut gungz, gyagoeng makgamgaet bang vut gungz daengj “cib daih bang vut gungz hengzdoengh”. Seizneix, Yungzanh suen makgamgaet najdieg 16.7 fanh moux, baenz mak najdieg 11.6 fanh moux, sou ndaej 15 fanh dun, dij cienz 15 ik maenz. Doenggvaq ndaem makgamgaet, saedyienh daengx yienh 2.8 fanh gyauejvunz gungzhoj vut gungz.

(Veiz Yungzginh/韦荣军)

Ndwen 12 ngoenz 11, youq suen makgamgaet fanh moux bak aen mbanj Liujcouh Si Yungzanh Yen, vunz ndaem mak cingq buen makgamgaet. Seizneix, cingq dwg makgamgaet Yungzanh baenz sou, vunz ndaem mak dangdieg nyaengq sou, daeh, baen cang makgamgaet. Aen hawciengz gaicawx makgamgaet, dieg ndaem mak cungj dwg nyaengqnyatnyat.

Yungzanh Yen baengh deihleix daegbied dangdieg, gijnde dienheiq, au makgamgaet dangguh gij cujdauj canjnieb vut gungz baenz miz buet haeuj siujganh daeuj guh, haenqrenz ndaem